

Santixauetan denok gozatzer, seguru!

Barre, dantza eta kantu egiteko egunak dira Santixauak. Jendeak ondo pasatu nahi izaten du, baina denontzat al da horrela?

Eraso matxistek presentzia izaten dute han eta hemengo festetan, agerian dagoen orbana da, baina Ermuko Jai-Batzorde Feministak gogotsu, ardurarekin eta sendo egingo die aurre. Beste era bateko jaiak nahi dituzte, denok seguru gozatzen dituzten Santixauak.

Iazko esperientzia positiboa oinarri hartuta, hilabeteak daramatza lanean Ermuko Jai-Batzorde Feministak berdintasunezko Santixau batzuren alde. "Gazteen artean arrakasta izan zuen iaz egindakoak", Andrea Diez eta Ander Prol batzordeko kideen berbetan. Aurtengo Santixauei begira, herritar eta herriko kolektibo ezberdinekin elkarlanean garatutako ekintzak antolatu dituzte iazko esperientziaren ondorioetatik ateratako gai eta kezak aintzat hartuz.

Asanblada irekian batzen da Jai-Batzorde Feminista eta 30 bat kide hartzen dute parte bertan, "bakoitzaren denbora eta inplikazioaren arabera". Ermuko aztarna feminista jarraituz, batzordea bere bidea

egiten ari da eta hainbat kolektibo batu dira horretarako: Tratu Onen Aldeko Plataforma, Emakumeen Asanblada eta Kimaira, besteak beste. Horrela, adin guztietako jendea batu da bertan, anitza. "Oso aberasgarria da hori eta ekintza freskoak antolatu ditugu ondorioz", adierazi dute.

Itsulapiko moreak tabernetan

Batzar irekiez gain, lantaldeetan banatzen da batzordea. Sare sozialez arduratzen dena, komunikabideekin harremana duena, kartelak prestatzen dituen, pankartak lantzen ari dena... lantalde bakoitzak bere ardura dauka.

Lantaldeetako bat tabernetan itsulapiko moreak jartzeaz



arduratuko da. Iaz kaxa moreak izan ziren. "Bertan mikromatxismoak salatzen ziren, jasandako erasoak paperean idatzi eta bertan sartuz. Gero, Facebooken partekatzen genituen, ikusgai egiteko", azaldu dute. Ekimenak erantzun ona izan bazuen ere, irakurritakoak lan handia dagoela egiteko argi utzi zuen: "Pentsa noraino heltzen diren erasoak, ekintza honegatik guk ere erasoak jasan genituela. Zakilak marraztu zituzten, 'putas' idatzi zuten paperetan... Ikusi genuen asko dagoela egiteko".

Ekintza honekin zerbait potenteagoa egin nahi dute aurtent. "Oraindik ez dugu zehaztu zer egingo dugun, baina erabaki dugu itsulapikoan jasota-

koa Santixauen azken egunean jarriko dugula Facebooken", diote batzordekoek.

Mikromatxismoetan jartzen dute lupa Jai-Batzorde Feministakoek. "Santixauetan ez dago toki segururik eta beldur gabe gozatu beharko genuke". Agresioa zer den definitzen ibili dira eta eztabaidak izan dituzte horren inguruan, baina lortu dute definizioa. "Orain, hori argi edukita, agresio baten aurrean nola jokatu behar den jakiteko protokoloa sortu dugu". Tabernetan zabalduko dute berau eta tabernariak irakurtzea da euren asmoa. "Triptikoak banatuko ditugu, arina izateko. Jakin beharreko gutxieneko gauza batzuk azalduko ditugu bertan eta beharrez-



FOTOKOPIAK
KOLOREZKO FOTOKOPIAK
HANDIPENAK - TXIKIPENAK
PLANOAK - AZALEZTAPENAK
FAX PUBLIKOA
INPRIMAKETAK KAMISÉTATAN

Komentukua, 6 behea 48260 ERMUA TEL. / FAX 943 17 42 89

uriarte asesores ✓


**Aholkularitza fiskala
eta lege aholkularitza**

Komentukoa 3 behea · Tel. 943 179 040 · Faxa 943 179 197
48260 · Ermua · Bizkaia

solozabal tabakoak

torrekua 1
tel./fax: 943 17 07 33





optika
itze

✓ ENTZUMENAREN DOHAINEKO KONTROLAK

✓ AUDIFONOETAN AZKENENGO TEKNOLOGIA

Probaleku, 7

Tfnoa. 943 17 46 51

koak diren telefonoak agertuko dira”.

laz egindako lanak kritika onak eta komentario positiboak jaso zituen. “Neska batekin eraso latza jasan zuela eta gaur egun, gurea bezalako taldeei esker, enpoderatuta ikusten duela bere burua”. Horrelakoekin, “beharrezkoak” direla ikusi zuten.

Jai Feminista Ateneoan

laz ez bezala, egunean zehar ere presente izan nahi du aurtien Jai-Batzorde Feministak. Santixauek irauten duten bitartean aktibo ibiliko dira, baina uztailaren 26an haratago joan nahi izan dute eta Jai Feminista antolatu dute Eskilarapeko Ateneoan.

Batukada eta trikitixarekin girotutako poteoarekin hasiko dute egitaraua eta “erasoen aurrean aktibo” daudela eraku-

tsiko diote herriari. Gauean, 23:00etan, festa hasiko da.

Ateneoa “gune segurua” izango da, “feminista”. Musika feminista entzuteko aukera izango da, agresiorik ez da onartuko, jolasak egingo dira eta hainbat ezusteko prestatu dituzte antolatzaileek. Gainera, Selfie Lehiaketaren sariak banatuko dira festak iraun bitartean.

Tratu Onen Aldeko Plataforma iaz ere egin zuen Selfie Lehiaketa, eta hilaren 24tik 26ra egongo da martxan. “Ermuan dauden baliabide feministekin hartu behar izango dira argazkiak (kartelekin, jaietan...)”. Gero, argazkiak Facebook edo Instagramera igo behar dira eta Jai-Batzorde Feminista etiketatu.

Eragile Morea

Durangon abiatutako espe-



rientzia aprobetxatuz, Eragile Moreak egongo dira Santixauean. Batzordekoen berbetan, “jaietan denak balio duela ematen du eta eraso sexista asko gertatzen dira”. Horiek ekiditeko, batzordeko kideak Eragile More bihurtuko dira eta tailerrak jaso dituzte horretarako.

Agente bat da Eragile Morea, prebentzio agentea. Erasoa sexista ekiditea du helburu eta zaintza funtzioa egiten du, baina ez dira “polizia lana” egiten ibiliko. “Erasoa gertatuz gero, biktima enpoderatuko dugu eta bere alboan izango gara laguntzeko prest”, azpimarratzen dute. Eragileak identifikatu ahal izateko, besoko morea eramango dute.

Herriko jaiak direla presente

daukate batzordekoek, “baina jaiak aproposak dira erreibindikatzeke”. Ermuko gizartean eragin, sentsibilizatu, eta kontzientziazioa eta hausnarketa bideratzea da euren asmoa. Jaietan gizartearen balioak bistaratzen direla uste dute eta apropos ikusten dute eurek bulztatutakoa gauzatzea.

Santixauean egiten diren ekintza guztietan emakumeen balioa errespetatzea aldarrikatzen du batzordeak. “Berbenean, adibidez, emakumeek bertan duten rola ikusi besterik ez dago”, gogorarazten dute. Oraindik gauza asko lantzeko daudela aitortzen dute, baina eurek eman dituzte lehen pausoak.

Ekhi Velaz

JAIK
**FEMINISTAK IZANGO DIRA...
EDO EZ DIRA IZANGO**

ERASO BATEN AURREAN. PIZTU ALARMA MOREA

OINAK
LEIRE MAYORA
PODOLOGOA

Erdikokale 1, 1. A
48260 Ermua
☎ 943 17 47 44

san pelayo
clínica dental horts klinika

San Pelayo 5, 1º
Ermua (Bizkaia)

Olatz Garcia Arregui

943 17 04 04

**OSASUNA • ESTETIKA
EDERTASUNA**

*Ile-apaindegi bat
baino gehiago!!*

**Egokitutako burua
garbitzeko konketa**

943 17 28 09 • Goienkale 12

SAGARDUI
poltsak

Zubiaurre, 29 - Ermua - 943 170305



KRABI
Ileapaindegia
Estetika

Tel: 943 03 17 56 Diputazio, 5 ERMUA